

# Ulvik fjellstyre - Årsmelding 2018



Fjellopsynet spar fram vedkonteineren til Ulvik RKH på Osafjellet. Foto: Harald Normann Andersen HF

## INNHALD

<b>1. Ulvik Statsallmenning</b>	<b>2</b>
<b>2. Ulvik Fjellstyre</b>	<b>2</b>
<b>3. Fjellstyrehytter</b>	<b>3</b>
<b>4. Jakt</b>	<b>5</b>
4.1 Villreinjakt	5
4.2 Småviltjakt	7
<b>5. Fiske</b>	<b>9</b>
5.1 Stongfiske	9
5.2 Garnfiske	10
<b>6. Tiltak i statsallmenningen i 2018</b>	<b>11</b>
6.1 Oppsyn	11
6.2 Tilsyn og reperasjon av hytter	11
6.3 Informasjon	12
<b>7. Oppsyn/sekretærordning</b>	<b>12</b>

## 1. Ulvik statsallmenning

Statsallmenningen i Ulvik dekkjer med sine 400 km<sup>2</sup> vel 57% av arealet i heradet.

Av dette utgjer netto høg fjellsareal (villreinarealet) omlag 363 km<sup>2</sup>. Det er omlag 20 fiskevatn innanfor allmenningen, med eit areal på omlag 20 km<sup>2</sup>

Den delen av Hardangerjøkulen som ligg i Ulvik statsallmenning utgjer omlag 20 km<sup>2</sup>.

Allmenningen grensar mot Eidfjord i sør, mot Hol i aust, mot Aurland i nord og mot private område i Ulvik i vest og på Hallingskeid.

Det meste av allmenningen ligg høgt, og det kan godt vere skiføre til midtsommar.

Dette gjer at sommarsesongen kan verte kort, særleg med tanke på fisket i området. Den vestlege delen av allmenningen er heller kupert, med mykje snøfenner og småbrear. Lenger aust flater terrenget ut og vert meir frodig.

Delar av vestlege delen av allmenningen er prega av kraftutbygging, med fleire store magasin.

Bergensbanen skjer gjennom allmenningen frå Storurdi i aust til Hallingskeid i vest. Dette gjer at allmenningen på mange områder er ulik dei andre statsallmenningane på Hardangervidda. Mellom anna er det mykje hytter i området rundt Finse. DNT si turisthytte Finsehytta og hotellet Finse 1222 ligg innanfor allmenningsområdet. Universiteta i Oslo og Bergen driv Finse forskningscenter.

Delar av allmenningen er underlagt forskjellige formar for vern og regulering:

Den søraustlege delen av allmenningen i området kring Hardangerjøkulen ligg innanfor Skaupsjøen / Hardangerjøkulen landskapsvernområde. Dette vart verna i samband med opprettinga av Hardangervidda nasjonalpark i 1981.

Heile allmenningen er frå 1997 del av ein felles kommunedelplan for villrein i Nordfjella /Hardangervidda villreinområde

Området mellom Finse og Lågheller er regulert av Ulvik herad i eiga reguleringsplan frå 2001. Her er det mellom anna telteforbod og jaktforbod.

I 2006 vart Hallingsskarvet nasjonalpark og Finse biotovernområde oppretta.

Nasjonalparken dekkjar den delen av Ulvik statsallmenning som ligg nord for Bergensbana frå grensa mot Hol heilt vest til og med Svartavatnet i Såtedalen.

Biotopvernområdet dekkjar 6735 dekar på Finse.

Omsynet til villreinen eit viktig element i alle desse verneområda.

## 2. Ulvik fjellstyre

Fjellstyret er for perioden 2016 - 2020 samansett slik:

*Knut Sygnestveit, leiar*

*Stig Yngve Røkenes, nestleiar*

*Atle Ulgenes, styremedlem*

*Lars Helge Ljone, styremedlem*

*Ingrid Sponheim, styremedlem*

Representant villreinutval Hardangervidda: *Atle Ulgenes, vara er Oluf Fønnebu*

Representant villreinutval Nordfjella: *Stig Yngve Røkenes, vara er Ingrid Sponheim*

*Knut Sygnestveit* møter i Fjellstyra på Hardangervidda, FH.

I 2018 vart det handsama 31 saker fordelt på 3 møte.

### 3. Fjellstyrehytter

Ulvik fjellstyre har 9 hytter og buer i statsallmenningen. Av disse er 3 steinbuer som står ulåste, dei 6 andre hyttene er låste.

I tillegg er det naust ved Finsevatnet, Kvilinganutvatnet og Søre-Grøndalsvatnet.

#### Leige av fjellstyrehytter

På slutten av 2018 vart 3 av hyttene på Osafjellet lagt ut på utleigesidene til Inatur.no. Dette gjeld Ripsebu, Dyrahola og Søre Grøndalshytta. Døgnpris for Ripsebu og Søre Grøndalshytta er kr. 400,-, mens Dyrahola kostar kr. 500,-. Det er rabatt for innanbygdsbuarar. For buene er prisen kr. 75-100 pr. døgn pr. person.


På Finsebu er det egne prisar.

Det vart eit godt utleigeår for Finsebu i 2018 med 164 overnattingsdøgn. Mange av brukarane kjem att, gjerne fleire gongar for året, i tillegg til nye som ynskjer å oppleve Finse og høgfjellet.

#### Leigeinntekt hytter 2018

Finsebu	157.660,-
Sankebu	450,-
Ripsebu	7.675,-
S.Grøndal	2.000,-
Dyrahola	14.150,-
Memorgebu	4.400,-
Lengjedalsbu	1.325,-
<b>Totalt</b>	<b>Kr 187.660,-</b>

#### Leigeinntekter hytter 2003-2018



## **Litt om hyttene**

### Finsebu

Dette er den nyaste hytta til Ulvik fjellstyre. Hytta ligg på den gamle skyttarhustomta, og vart ferdig bygd i 2003 og klar til utleige på nyåret 2004. Det er 8 senger i hytta, men brannforskriftene godkjenner overnatting for 9 personar. Det vart bygd ny snurredass vinteren 2011. I naustet ved Finsevatnet er det båt, utfiskingsgarn og ruser.

### Memorgebua

Dette er ei steinbu som er låst. Bua er utstyrt med omn, propanapparat og kjøkkenutstyr for 2-3 personar.

### Søre-Grøndalen

Hytta er låst, og utstyrt med omn, propanapparat og kjøkkenutstyr for 4 personar. Det er 4 sengeplassar med madrassar i hytta. Det er båt i naustet ved Søre Grøndalsvatnet og 5 garn i hytta. I tillegg ligg uthuset med do tett inntil hytta.

### Dyrahola

Låst hytte utstyrt med omn, propanapparat og kjøkkenutstyr for 6 personar. Det er 4 sengeplassar i hytta og hems med 6 madrassar. Det er 5 garn i hytta.

### Ripsebu

Denne hytta er låst. Utstyrt med omn, propanapparat og kjøkkenutstyr for 6 personar. Det er 3-4 sengeplassar med madrassar i hytta. Det er båt tilgjengeleg for brukarar av hytta.

### Sankebu - Austdalen

Hytta er låst. Bua inneheld vindfang/gang, soverom, opphaldsrom m/kokeplass, hems og utedo. Det vart byta kledning på hytta i 2018. Liggeplass for 4 personar.

### Rundavassbu, Austdalsbu og Lengjedalsbua

Dette er 3 enkle steinbuer med omn og køyer. Buene står ulåste. Utbetringa av Rundavassbu er enno ikkje heilt ferdig, men det er håp om at ho i løpet av 2019 skal verta eit koseleg krypinn for fiskarar, jegerar og turgåarar. Etter ei totalrenovering er no igjen Austdalsbu klar til å ta i mot turfolk. Bua var i særskildt dårleg stand og det var nødvendig med eit «løft» for å ho attraktiv som kvile -og overnattingstad. Det er propanapparat, bestikk, koppar og kar i alle buene.

## 4. Jakt

### 4.1. Villreinjakt

Ulvik statsallmenning er delt mellom to villreinområde; Nordfjella villreinområde nord for vassdraget som renn sør for Bergensbana og Hardangervidda villreinområde sør for vassdraget. På Hardangervidda villreinområde har Ulvik jaktfelt HA291, og i Nordfjella villreinområde har Ulvik jaktfelt NF600. Alle jegerane skulle ta hjerne- og lymfeprøve frå eldre enn 1 ½ år gamle dyr grunna skrantesjuka. Det vart heldigvis ikkje registrert positive prøvar frå Sone 2 under jakta. Det skulle og takast prøvar på Hardangervidda. Her vart det heller ikkje registrert positive prøvar

### Jakta 2018

#### Hardangervidda

Kvota i 2018 var på 1522 dyr fordelt på 1072 frie, 225 simle/ungdyr og 225 kalv. Eit ( 1 ½ bukk ) av dei 16 dyra som vart felt på Ulvikkort vart skoten på Osafjellet. Alle de andre skotne dyra på Ulvikkort vart felt i annan kommune. 7 stk. i Nore og Uvdal og 8 i Vinje.

#### Resultat Hardangervidda:

<u>År</u>	<u>2017</u>
<u>Tildelt totalt</u>	<u>1522</u>
<u>Felt hannkalv</u>	<u>51</u>
<u>Felt hunnkalv</u>	<u>30</u>
<u>Felt hanndyr 1 ½ år</u>	<u>36</u>
<u>Felt hodyr dyr 1 ½ år</u>	<u>24</u>
<u>Felt hanndyr eldre</u>	<u>440</u>
<u>Felt hunndyr eldre</u>	<u>119</u>
<u>Felt totalt</u>	<u>700</u>
<u>Fellings-prosent</u>	<u>46 %</u>

## Nordfjella

Kvota i Nordfjella, sone 2 var i 2018 på 200 løyve fordelt på 35 % bukk, 30 % simle/ungdyr og 35 % kalv. I Ulvik vart det felt 4 dyr ( 1 stk vaksen bukk, 1 stk vaksen simle, 1 stk 1 ½ simle og ein simlekalv ) av ei kvote på 29 løyve.

## Resultat Nordfjella

<b>ÅR</b>	<b>2018</b>
<b>Tildelt totalt</b>	<b>Sone 2</b>
	<b>200</b>
Felt hannkalv	3
Felt hokalv	9
Felt hanndyr 1 ½	8
Felt hodyr 1 ½	3
Felt hanndyr eldre	18
Felt hodyr eldre	31
<b>Totalt felte dyr</b>	<b>72</b>

## Samjaktavtalar

Samjaktavtale med Øvre Numedal fjellstyre. 8 jegerar frå Ulvik kan samtidig jakte på Øvre Numedal statsallmenning nord for Lågen og vest for Langebuåni sør for Lågen. Ulvik gav frå seg seg 2 kort pr. jeger. Avtala mellom Ulvik fjellstyre og Rauland fjellstyre held og fram i 2018, men det var ingen jegerar som nytta seg av denne avtala i 2018. Fjellstyret har og samjaktavtale med Osa private fellesområde, Dalen, Slondal og Brauåne Grunneigerlag og Bagnstrond jaktfelt.

Villrein frå Nordfjella villreinområde har regelmessig byrja å bruke området sør for vassdraget på sørsida av Bergensbanen, som forvaltningsmessig er en del av Hardangervidda villreinområde. Det var lite dyr jegerane fekk sjå av desse under jakta. Dyret som vart felt på Osafjellet vart skote i Moldedalen. Heller ikkje i 2018 vart det registrert GPS merka Nordfjella dyr på sørsida av Bergensbana.

### Osa private fellesområde ved Hallingskeid

Avtalen trer i kraft 14 dagar etter jaktstart – altså 3. september. Frå denne dato kan jegerar med kort i Ulvik statsallmenning og Osa felles jakta på begge områda uavhengig av kva kort jegeren har.

Samjakta gjeld frå og med denne dato og fram til jaktslutt på Nordfjella villreinområde. For Hardangervidda villreinområde 30. september. Skilje mellom jaktvala er vassdraget som renn sør for Bergensbana.

Avtalen gjeld for 1. år, men kan fornyast med 1. år om gongen dersom partane er samde. Oppseiing må skje innan 1. februar i jaktåret. Avtalen gjeld til ein av partane seier opp avtalen.

Spesielt av året var at Miljødirektoratet frå 5. september vedtok å opna for at fellingsløyve frå Nordfjella kunne nyttast over grensa til Hardangervidda villreinområde i kommunane Ulvik og Aurland. Grunngevinga for vedtaket var at det burde fellast fleire bukkar som høyrer til bestanden i Nordfjella sone 2 med tanke på å få auka talet på provar til analyse for CWD. I

tråd med dette vedtok Ulvik fjellstyre å opna for at jegerar med Nordfjellakort sone 2 kunne jakte på Ulvik statsallmenning sør for Bergensbana.

Fjellstyrene og private jaktfelt i Nordfjella (Hemsedal, Ål, Hol, Lærdal og Ulvik)

Avtalen gjelder for jegerar som har fått utskrivne løyve/kort for alle statsallmenningar og kommunale eigedomar som de nemnde fjellstyrene har forvaltningsansvar for og private jaktfelt som er med i avtalen.

**1. PERIODE 1 : f.o.m. 20.08. t.o.m. 31.08. :**

I denne perioden har avtalen ingen praktisk betydning, da den ikkje opnar for samjakt over kommunegrenser. Avtalen er ikkje til hinder for at kvar kommune har interne reglar eller for at det opprettas andre separate samjaktavtaler.

**2. PERIODE 2 : f.o.m. 01.09. t.o.m.10.09. :**

I denne perioden har jegerar, som utøvar jakt på eige jaktfelt, rett til å fortsette jakta inn på allmenningar/jaktfelt som er ”grensenaboar”, dersom dette betrar moglegheita for felling av dyr. Dette gjeld og inngang frå/til privat jaktfelt, som er tilslutta avtalen. Elles jfr. punkta 4-5-7 og 8 nedanfor.

**3. PERIODE 3 : f.o.m. 11.09. og ut jakta :**

I denne perioden er det full samjakt mellom allmenningar, kommunale eigedomar og private felt som omfattast av avtalen. Elles jfr. punkta 4-5-6-7 og 8 nedanfor.

4. Denne avtalen gjeld f.o.m. måndag t.o.m. torsdag i kvar enkelt veke av jakta.

5. Jegerar som kryssar grenser til fots plikter å kalle opp på sikrings/jakt-radio, som har dekning, for å orientere seg om forholda på jaktfeltet, og for å varsle andre om at ein går inn.

6. Jegerar som i periode 3 vil inn på jaktfelt som omfattas av denne avtale, og som kjem med bil eller båt, plikter sjølvstags også å ta omsyn til andre jegerar i området, og ikkje øydelegge for pågåande jakt. Dersom det er mogleg, bør jegeren gje seg til kjenne på jaktsamband.

7. Jegerar som nyttar seg av denne samjaktavtalen plikter sjølvstags å ta omsyn til andre jegerar i området, og ikkje øydelegge pågåande jakt.

8. Jegerar som nyttar denne samjaktavtale plikter å ta med NF's valdkart og være godt orientert om aktuelle jaktfeltgrenser.

9. Brot på avtalen sine reglar vert sett på som ulovleg jakt.

## **Inntekter**

### Kortprisar

Fritt dyr	1900,-
Simle/ungdyr	1200,-
Kalv	600,-

Utanbygds: Dobbel pris

Kortsalet ga ei inntekt på kr. **90.000,-** til fjellstyret.

## **4.2 Småviltjakt utan hund**

Jakttida for småviltjakt i Ulvik statsallmenning er frå 15.september til og med 23.desember Fjellstyret bestemte å innføre freding på li –og fjellrype i tre år frå hausten 2013 grunna låg

bestand. Det har såleis vore jakt på dei andre småviltartane. Rypa var freda i 5 år tom 2017. Gode utsikter og mange tilbakemeldingar om bra med rype i fjellet gjorde at fjellstyre opna for rypejakt att frå hausten 2018

### **Jaktsesongen i tal (basert på innkomne fangstrapportar)**

Jaktdagar : 303

Tal dagar med fangst: 149

Tal dagar utan fangst: 154

Tal felte:

Lirype 1

Fjellrype 234

### **Kortsal**

Salsstad	Døgnkort	Vekekort	Sesongkort
<u>Inatur</u>	370	11	13

### **Inntekt småvilt kr. 122.800,-**

#### Kortprisar

	Innanbygds	Utanbygds
1 døger	150	250
1 veke	500	1000
Sesong	750	1500

### **Inntekter småviltjakt 2002-2018**

År	Inntekt	Selde jaktkort
2002	78.100 kr	213
2003	58.959 kr	189
2004	50.000 kr	118
2005	59.700 kr	199
2006	69.600 kr	205
2007	48.600kr	104
2008	64.700 kr	162
2009	60.490 kr	189
2010	102.100 kr	342
2011	83.200 kr	234
2012	48.200 kr	151
2013	1.000 kr	4



2014	1.600 kr	11			
2015	300 kr	2			
2016	3.900 kr	15			
2017	1.900 kr	10			
2018	122.800 kr	394			
Fangststatistikk 2003-2018					
År	Jaktdøger	Fjellryper	Liryper	Hare	Tilbakemeldingar
2003	178	229	6	0	65 kort
2004	133	185	2	7	49 kort
2005	160	213	0	3	53 kort
2006	150	161	5	3	53 kort
2007	14	14	0	1	12 kort
2008	123	75	2	0	36 kort
2009	64	26	0	0	28 kort
2010	325	100	3	3	133 kort
2011	305	118	0	7	100 kort
2012	158	54	1	1	62 kort
2013	6	0	0	1	4 kort
2014	12	0	0	1	11 kort
2015	2	0	0	0	2 kort
2016	12	0	0	0	13 kort
2017	10	0	0	1	7 kort
2018	303	234	1	0	100 %

## 5. Fiske

### 5.1 Stongfiske

Selde kort via inatur.no og turistkontoret:

1 døger:	163
2 døger:	53
3 døger:	39
Veke:	22
Sesong :	20
<b>Totalt:</b>	<b>297 kort</b>

I tillegg er det via Inatur seld fellesfiskekort som gjeld Eidfjord, Ullensvang, Røldal og Ulvik statsallmenning.

**Inntekt stongfiske inkl. fellesfiskekort kr. 62.183,-**

### Inntekter av fiskekortsal 2002-2018

År	Inntekt	Selde kort	Tilbakemeldingar
2002	16.353 kr	37	
2003	23.533 kr	49	13
2004	31.778 kr	60	21
2005	14.981 kr	31	9
2006	30.612 kr	72	14
2007	26.418 kr	76	0
2008	26.351 kr	148	2
2009	23.678 kr	117	5
2010	36.430 kr	219	31
2011	35.882 kr	179	23
2012	22.415 kr	132	7
2013	39.783 kr	213	9
2014	46.840 kr	271	15
2015	24.517 kr	65	7
2016	49.075 kr	253	10
2017	43.854 kr	247	12
2018	62.183 kr	297	55

#### Fiskekortprisar 2018

1 døger	80,-
2 døger	150,-
3 døger	200,-
Veke	320,-
Sesong	500,-

#### Fellesfiskekortprisar 2018

Veke	500,-
Sesong	1000,-

## 5.2 Garnfiske i Ulvik statsallmenning

### Fangsrapport 2018

Vatn	Kg. fisk	Snittvekt gr.	Tal garndøgr
Langavatn	56,5	350	377
Rundavatn	50,0	550	100
Kvilingavatn	1,5	400	5
Floskefonnsvatnet	2,0	500	5
Olbogavatn	10,0	400	100
Kvilinganutvatnet	6,0	500	5
Ustekveikja	10,0	400	10
<b>Totalt</b>	<b>136,0</b>	<b>407</b>	<b>607</b>


Statistikken er basert på 30 innleverte fangstrapporatar av 38 selde garnkort.

**Inntekt garnfiske kr. 11.400,-**

## 6 Tiltak i statsallmenningen i 2018

### Utførte oppdrag

Totalt har Hardangervidda Fjelloppsyn as utført 487,5 timeverk for Ulvik fjellstyre. Det er nytta mest tid til sekretariat, arbeid/vedlikehald, oppsyn, tilsyn på hyttene og transport (ved, gass, og bos ). I tillegg er det sleppt fisk i Tverråvatna og Lengjedalstjødnane nord for Finse samt i inste Dyraholavatnet, Floskefonsvatnet, Rundavatnet og Reipstjødnane på Osafjellet. Dette arbeidet vart gjort av frivillige og fjellstyre sine medlemmer.



### 6.1 Oppsyn

Det vart utført oppsyn med garnfiske, stongfiske, småvilt- og villreinjakt i statsallmenningen. Særskild garnfiskekontroll føregjekk i Langavatnet og Rundavatnet.

### 6.2 Tilsyn og reparasjon av hytter

#### Generelt tilsyn og vedlikehald

Fjelloppsynet har helde eit generelt tilsyn med fjellstyrehyttene. Det er gjennomført internkontroll av brannverntilhøva på fjellstyrehyttene. Me har ført tilsyn med brannvarslerar, eldstader, gasskokeapparat, brannsløkkingsapparat og skilting. Sertifisert personell har gjennomført kontroll med at brannsløkkingsapparata er i forskriftsmessig stand. Gamle apparat vart skifta ut der dette var nødvendig.

Av større vedlikehald vart det byta kledning og sett inn nye glas i Sankebu.

Det vert helde jamnleg tilsyn med Finsebu for å halde snurredoen i funksjon og sett til at det var nok ved på hytta.

Det vart transportert gass, ved og anna utstyr til hyttene, bos er frakta ut.

### **6.3 Informasjon**

Fjelloppsynet hadde informasjonsteneste frå fjellstyrehytta på Tinnhølen på bolkar av to dagar fire veker i juli / august. Fjelloppsynet var og til stades under Røldalsmarknaden. Samstundes som Hardangervidda fjelloppsyn har utført diverse oppdrag i allmenningen har det vorte gjeven mykje informasjon til jegerar, fiskarar og andre brukarar av fjellet. Informasjonen har vore fisketips, turforslag, bandtvang, villreininfo, fjellrev o.a.

## **7. Oppsyn/sekretærordning**

Ulvik Fjellstyre er medlem av Hardangervidda Fjelloppsyn AS. Harald Normann Andersen har vore tilsett som sekretær for Ulvik Fjellstyre gjennom HF. Sekretariatet er stipulert til om lag 250-300 timeverk i året. I tillegg har det vore utført diverse feltoppdrag i allmenningen.

**Til slutt vil Ulvik fjellstyre takke alle frivillige som har vore med å bidrege på dei ulike tiltaka i statsallmenningen i 2018.**

Knut Sygnestveit -s-

Stig Yngve Røkenes -s-

Atle Ulgenes -s-

Lars Helge Ljone -s-

Ingrid Sponheim -s-